

Sakspapir

Saksnr	Utvalg	Type	Dato
087/18	Formannskapet	PS	22.11.2018

Saksbehandler	Arkiv	ArkivsakID
Olav Mongstad	FE - 223	18/828

Søknad om økonomisk støtte til vedlikehald Samfunnshuset

Vedlegg:

Søknad om økonomisk støtte - forsamlingshus

Framlegg til vedtak:

Austrheim formannskap har ikkje midlar til rådvelde for å støtte Austrheim Samfunnshus sin søknad om midlar til varmepumpe. Søknaden vert avslått.

Formannskapet - 087/18 - 22.11.2018

FS - behandling:

Jan Erik Espelid (V) hadde framlegg om at saka vart utsett til å takast opp i samband med handsaminga av budsjett for 2019.

Jorund Stellberg (Uavhengig) hadde framlegg om eit tillegg, der Austrheim Samfunnshus vart oppmoda til å senda ny søknad i 2019.

Etter at Stellberg la fram sitt tilleggsframlegg, trekte Espelid sitt framlegg.

Samrøystes vedtak i formannskapet.

FS vedtak:

(Rådmannens med tillegget frå Stellberg (Uavhengig)):

Austrheim formannskap har ikkje midlar til rådvelde for å støtte Austrheim Samfunnshus sin søknad om midlar til varmepumpe. Søknaden vert avslått. Austrheim Samfunnshus vert oppmoda til å senda ny søknad i 2019.

Saksopplysninger:

Bakgrunn

Austrheim Samfunnshus søker om økonomisk støtte til innkjøp av varmepumpe i kafèen. Kostnad er stipulert til 30 000 kr.

Vurdering

Styreleiar skriv i søknaden at Austrheim Samfunnshus slit med økonomien. Bruken av huset går ned, noko som gjev mindre inntekter til å dekke drift og vedlikehald. Dette fører til at vedlikehaldsoppgåver vert flytta fram ut i tid.

Varmepumpa i kafèen er havarert og moden for utskifting. Austrheim kommune nyttar kafèen til sine kommunestyremøte og ein del andre tiltak. Rådmannen ser såleis at det er vesentleg for kommunen at varmepumpa verkar. Utan varmepumpe, kan kommunestyremøta bli ei kald oppleving til vinteren.

Økonomi

Dersom det skal løyvast midlar til dette tiltaket, må det skje over driftsbudsjettet. Dette er ikkje ei investering av varig verdi for kommunen som kan takast av investeringsbudsjettet. På ansvar 8000, til disposisjon for formannskapet, var budsjettet 150 000 kr. Av desse er alt brukt opp. Kommunestyret har 200 000 kr. på ansvar 8100. Alt dette er brukt opp og. Det er såleis ikkje pengar på driftsbudsjettet til disposisjon. Formannskapet/kommunestyret kan eventuelt endra budsjettet i budsjettjusteringa. Utan at det vert gjort, er det ikkje midlar til disposisjon for formannskapet.

Konklusjon

Austrheim formannskap har ikkje midlar til rådvelde for å støtte Austrheim Samfunnshus sin søknad om midlar til varmepumpe. Søknaden vert avslått.